

## CONVÈNI

Vielha, a 2 d'octubre 2024

## AMASSADI

D'ua part eth Sr. Juan Antonio Serrano Iglesias, alcalde der Ajuntament de Vielha e Mijaran, assistit pera Secretària accidentau dera Corporacion.

Der auta era Sra. Esther Vidal Pajares, ena sua condicion de presidenta dera associacion Club Athletic Val d'Aran (CAVA), damb CIF G25750043

## MANIFÈSTEN

1èr. Qu'existís en Vielha era associacion Club Athletic Val d'Aran, legaument constituïda, ubicada ena Avd. Garona, 33 de Vielha, qu'a organizat era corsa urbana Era Nocturna de Vielha.

2au. Qu'ei volentat der Ajuntament de Vielha e Mijaran balhar supòrt economic entara organizacion dera corsa urbana Era Nocturna de Vielha degut a qu'ei ua pròva que se desenvòlpe pes carrèrs de Vielha eth primèr dissabte deth mes d'agost damb ua participacion fòrça important de tota era ciutadania a on se promocione er espòrt e per tant es bones practiques saludables considerant aquest eveniment d'interès sociau.

3au. Qu'er Ajuntament de Vielha e Mijaran a en vigor era Ordenança Municipau reguladora de subvencions aprovada peth Plen de data 22 de deseme de 2005 e modificada pes acòrds des Plens des dies 26 de seteme de 2007, 22 de seteme de 2014, 4 d'abriu de 2018, 26 de mai de 2021 e 10 d'abriu de 2024.

Aquesta Ordenança establís en sòn article 10 qu'es subvencions poderàn autrejear-se dirèctament en quauquì casi, entre es quaus se trapen aqueri enes que s'acrediten arrasons d'interès public e sociau.

4au. Qu'era Ordenança Municipau tanben establís que normaument er autrejament dirècte se formalizarà en un convèni.

5au. Que d'acòrd damb er article 47 e següents dera Lei 40/2015, d'1 d'octobre, de regim juridic deth sector public, es parts acòrden soscrúer eth present Convèni.

6au. Qu'era Lei 9/2017, de 8 de noveme, de Contractes deth sector public, en sòn article 6.2 determine que son excluidi der àmbit dera nomentada Lei es convènis que celebren es entitats deth sector public damb persones fisiques e juridiques subjèctes ath dret privat, tostemp qu'eth sòn contengut non sigue comprenut en contractes reguladi d'agesta Lei o en normes administratiues especiaus.

7au. Que s'aurà en compde çò que dispausen es Bases 35, 37 e 39 d'execucion deth Pressupòst Municipau vigent, relatiues as requisit e procediment de justificacion des aportacions economiques que se receben pes entitats en compliment des convènis

ALBERTO LÓPEZ LÓPEZ (1 de 3)  
Secretaria Accidentau  
Data Signatura: 03/10/2024  
HASH:



VIDAL PAJARES, ESTHER (2 de 3)  
Secretaria Accidentau  
Data Signatura: 07/10/2024  
HASH:

(3 de 3)  
Secretaria Accidentau  
Data Signatura: 09/10/2024  
HASH:



signadi per Ajuntament de Vielha e Mijaran.

8au. Que s'aurà en compte çò que se dispause ena Ordenança Municipau Reguladora des Subvencions der Ajuntament de Vielha e Mijaran.

Peth tot çò, convien eth present convèni e ar efècte establissen es següents:

### PACTES

**Prumèr.** - Er objècte deth present convèni ei era collaboracion entre er Ajuntament de Vielha e Mijaran e era associacion Club Atletic Val d'Aran entà balhar supòrt economic entà sufragar despenes relacionades damb era organizacion dera corsa urbana Era Nocturna de Vielha.

**Dusau.** Qu'en marc d'aguest convèni er Ajuntament de Vielha e Mijaran collaborarà damb aguesta entitat damb ua subvencion per un impòrt de 3.000,00€ a cargue dera partida 2024-1-34100-48027-01.

Entà poder realizar eth pagament dera subvencion era beneficiària a d'èster ath corrent en compliment des sues obligacion tributàries e damb era Seguridad Social.

Era non justificacion dera despena darà lòc ara devolucion des quantitats satisfètes e non justificades.

**Tresau.** Qu'er apoderat dera entitat serà eth responsable de destinar era totalitat des sòs ar objècte deth compliment deth present convèni.

**Quatau.** Era entitat justificarà ar Ajuntament eth destin dera subvencion, e aurà de presentar es factures e es rebuts des pagaments corresponenti, aumens per un impòrt deth doble ath dera subvencion autrejada, tanben presentaràn ua memòria dera activitat realizada. S'aurà de dar compliment a çò mercat en article 8 dera citada ordenança municipau.

**Cincau.** Sense perjudici de çò dit anteriorment, er Ajuntament de Vielha e Mijaran, e per miei dera Intervencion de Hòns Municipaus, a era potestat irrenonciabile d'efectuar eth contròtle d'aplicacion des subvencions e ajuts economics de quinsevolh tipe que s'autrejen, entà verificar feacement que s'invertís ena finauetat entara que s'autrejèc, tot çò en compliment der article 189 e 214 deth tèxt rehonot dera Lei reguladora des isendes locals.

**Siesau.** En toti es impresi e òpuscles de publicitat que s'editen damb referéncia ara activitat se harà constar ar Ajuntament de Vielha e Mijaran coma collaborador.

Cossent damb çò dispausat en article 20 paragraf 8.b) dera Lei generau de subvencions, er Ajuntament enviarà ara Base de Datos Nacional de Subvenciones era subvencion autrejada.

**Setau.** Era entitat justificarà abantes deth 15 de deseme der an en cors ar Ajuntament de

Vielha e Mijaran eth destin dera subvencion, e aurà de presentar es factures e es rebuts des pagaments corresponents.

**Ueitalu.** Eth present convèni aurà ua vigéncia d'UN AN (1 AN) sense opcion a prorròga. Totun, aquest convèni se poderà rescindir per mutuau acòrd entre es parts o per decision unilateral d'ua des parts qu'ac aurà de comunicar ara auta damb tres mesi d'auança.

**Nauau.** Es parts signatàries d'aquest convèni s'obliguen a dar compliment ara Lei 19/2014, de 29 de deseme, de transparéncia, accés ara informacion publica e bon govèrn enes tèrmes en que li siguen aplicables.

**Desau.** Es parts signatàries d'aquest convèni s'obliguen a dar compliment ara Lei organica 3/2018, de 5 de deseme, de proteccion de donades personaus e garantia des drets digitaus.

**Onzau.** Eth present convèni està subjècte ath regim juridic establìt pera Lei 38/20023, de 17 de noveme, generau de subvencions e eth sòn Reglament aprovat peth Reiau Decrèt 887/2006, de 21 de junhsèga.

E en pròva de conformitat, ambdues parts signen eth present convèni e a un solet efècte e en lòc e data nomentadi.

**(Document signat electronicament)**